

# نورك يوردى

ناشرى : نورك يوردى

مدىرى : آق جورە اوغلى يوسف

اداره مدىرى : توفىق نورالدين

يىل ۱۳۳۰؛ صاى ۷ ۲۹ مایس ۱۳۳۰ يىل ۳ جلد ۶ صاى ۶۷

ترکجه مزده کی صرف ترکی کله لر، عربی فارسی قواعدینه اصلاً تابع دکلردر . او قواعدی تبعیت مکلفیتنده بولسانلرینه کلمات اجنبیه در . بو ذهاب اوزرینه ایدی که رشیدیة عسکریه لرده او قونق اوزره وقتیه عاجزانه ترتیب ایتدیکم کتابک آدینه «صرف ترکی» دیغش ایدم . اشته بکم ، ایلدشکم یالکیز بوندن عبارتدر . باقی سلامتده اولکیز ، و فرمان فعال لما یربد حضرتلرینکدر .

ملیانه

«... دقائق شناسی افندمن ا خاتمة احساننامه کزده (لسان عثمانی) دیمک طوغری اولدیه جفته دائر ایراد بیوریلان مطالعات بو عبد حقیره ده محضا صواب کوروندی فی الحقیقه (لسان عثمانی) تعبیری معناسزدر . بو ارشاد عالیکزه ده عن صمیم القلب تشکر ایدرم . جوابنامه حقیرانه می هانکی نامه کوندره جگمی وید سامیکزه واسل اولوب اولیه جفتی بیله مدیکم ایچون شمیدیک شو مختصر ورقپاره نک تحریریه اکتفا ایتدم . نصیب اولورسه ایلریده بازیمجه افکار حیت مدار عالیکیز اوله جق صورتده عریضه لر تقدیمنده انشاء قصور ایتدم .

باقی نماید هرکه نخواهد بقای تو . امر و فرمان افندمن کدر .

متشکر التفاتلری

استانبول فی ۲ صفر سنه ۱۳۰۰

اکرم بنده لری

### « نامق کمال تورک اوغلی تورکدر »

علی کمال بک ، « پیام » غزته سنده « تورک یوردی » ینه جواب ویرمه یه اوغراشیر کن شو یه بر جه قوللامشدی :

«... کمال بک مرحومدن زیاده بولسانه خدمت ایدن ، روح ، وجود ویرن اولدیمی ؟ حالبوکه جدی آرائجه او ادیب اعظمز بیله ترک چیقمیور . » [ « تورک یوردینه جوابزم » ، « پیام » ، ۲۱ مایس ۱۳۳۰ ]

ینه عین غزته نک ۲۵ مایس ۱۳۳۰ تاریخی نسخه سنک « پیام کونا کون » عنوانی فصلنده ، کمال بک زاده علی اکرم بک افدینک ، بو مسأله یه دائر بلایغ و قطعی بر ایضاحنامه لری مندر جدرکه عیناً و کمال سرور وانتیخار ایله بروجه آنی نقل ایله یورز :

« بکن کون عثمانلیغه و عثمانلی لسانه دائر یازدی فکیز باش مقاله ده پدرم نامق کمال مرحومک تعیین نسلی جدأ شایان تدقیق اولدیفنه دائر برفقره واردی . مرحوم چوققلغنده والده سنک بدری آرنود عبداللطیف پاشا ایله برابر روم ایلی بی طولاشمش ایدی . کندینک آرنود اوله بیله جکی بوندن طولایی حصوله کلش بر ذهابدن عبارتدر . حال بوکه سلسله مزده معروف اجداد مزدن بکر آغا قونیه لیدر . بکر آغانک اوغلی مشهور سردار عثمان پاشا اونک اوغلی شمس الدین بک ، شمس الدین بکک اوغلی مصطفی عاصم بکدر . مصطفی عاصم بکده نامق کمالک پدریدر . بو حالده نامق کمال ترک اوغلی ترکدر . شو ورقپاره نک غزته کزه درجینی غنی ایدرم افندم . »

علی اکرم